





長干春遊

在城南聚寶門外江東人謂山隴之間曰干一
出城闔山岡綿衍往安德鳳臺二門徑道廻環
寺宇錯置其間平地民庶雜居故相傳有大長
干小長干之名今春日遊觀駢聚每至漏下尚
自啓鑰以待歸人

星羅蕭寺自南朝衢路交通被麓耕霽日樓臺宜嘯
咏春風花柳助招邀駢闐仕女紛車馬雜選笙歌接
春朝不用尋仙蓬閣遠喧中取寤任逍遙



燕磯曉望

在城北觀音門外乃幕府諸山盡脉處石色蒼潤形勢崿岬直探江中波濤衝激三面盡見上建關聖祠磴道盤折而上有俯江亭可以憇飲其左渡港穿峽即弘濟寺通龍江關陸路濱江舟車遊衍無間也橫江鐵鎖尚維山趾

奇峰橫亘插空江三面驚濤阻客艤想是大鵬雲翼歛何稱小燕壘巢雙烟籠瓜埠千林樹日擁滄溟百竇幢中夜潮聲幽夢破起看天塹壯南邦



幕府觀臺

幕府

幕府仙臺

在府西北二十里晉元帝初渡江丞相王導建
幕府于此山其上有仙人臺虎跑泉今稱為石
灰山由李子岡至崇化寺梅花水皆深邃幽遠
以境僻遊踪罕至然濱江一帶如董將軍諸祠
女真觀鹽倉山皆古跡尚存歷覽難盡

浮江五馬啓雄圖不向新亭共嘆吁揮羽依山開虎
帳運籌選勝展鴻謨中流樓櫓鯨波息繞岸旌麾毳
幕驅渭水巖灘芳躅在元戎端是藉通儒



達摩靈洞

在幕府山之側瞰江有巖洞羊腸曲徑沙石雜
出難于登陟梁武帝時達摩西來宏法機緣不
合將欲北渡偃息于此南下有寺僧舍一石榻
傳為孫權時故物洞之西北有夾蘿峰相傳為
達摩折蘆渡江處

萬里江光散月明洞門高啓納濤聲流雲度處峯蘿
合隻履歸時岸葦橫石榻未須留幻影龕燈常可證
無生游踪幾為崎嶇阻夢繞幽巖入化城



靈石

鍾山

八功德水

龍虎寺

靈石

靈谷深松

在鍾山東南晉建梁寶誌公葬獨龍阜卽此處
洪武初改殿立塔有八功德水乃山龍獻之曇
隱胡僧者石傍老松虬偃
聖祖常挂服于上中路有琵琶街鼓掌則聲若
彈絲山徑萬松森立羣鹿游息其間儼若圖畫
策杖行歌入萬松林間麋鹿共幽踪泉添新雨施功
德響振琵琶應鼓鐘古樹恩光沾黼辰法壇靈液獻
山龍吹烟晚發催歸騎猶憶岩堯紫翠峰



金陵圖說
清涼環翠

在石頭城楊吳名興教寺南唐名石城清涼寺
山頂有翠微亭亦南唐時所建又有暑風亭乃
李後主避暑殿之故址門內胭脂井尚存登頂
眺城南北諸山皆在眉睫間近歲葺為虛堂頗
快心目因山形孤特風雨易侵未久復圯

幾度探奇歷翠微四山環列錦屏圍吟風喬木堪祛
暑浴日晴江遠借輝殿址久湮滋徑蘚齋厨新供採
山薇觀空自識清涼意一片閒雲伴鶴飛



宿巖靈石

在府治北二十里靜海寺內寺基本江沙漲溢之處舊為江濤所衝窗石俱嵌空瓊瓏宋虞允文破金軍于采石回舟繫泊于石邊故名三宿巖其題名尚存今建靈石閣于上為遊覽之所江流雖徙隔于洲外而嶙峋特立自是奇觀蒼巖百尺立巖巖曾枕洪濤駐遠帆何自沙痕堙浪跡祇今石隙起松杉提將虎旅長鯨剪畱取芳名絕壁鏡臨級憑高頻把酒羣峰江外日將銜



不山暮野

靈石閣

中

東山碁墅

在府東南三十里一名土山晉謝安舊隱會稽
之東山築此擬之嘗放情遊賞與從子玄圍碁
至夜始還山側有翼善寺古木崇巖視方山雖
小而登覽曠濶亦郊坰之勝地環列四野有金
石茅山八音之名咸備此蓋其一尔

卜築崇丘擬會稽鄉心望遠幾淒迷碁枰坐隱蒼松
偃屐齒從遊碧艸齊夙著風流高晋代尚留勝蹟付
招提八音點綴山容列開遍巖花谷鳥啼



嘉善石壁

在府治東神策門外三里入寺徑道甚幽殿後
巨石壁立拆裂處仰視天光僅露一線碧蘚縈
徊青松茂密登陟為艱石前有觀音閣閣前更
一巨石中立石上有亭由傍徑度石梁可登四
望峰巒環拱真幽勝之所

巖壑迴還入更幽五丁應為剖丹立天容一線從窺
隙石磴千盤縱勝遊皎日穿林驚閃鑠罡風振谷聽
颼颼禪龕病足頻投憇更欲攀躋最上頭

折翠巖北



祈澤龍池

在府東南三十五里山高五十丈周回十里寺
為劉宋時建昔初法師結菴于此山講法華經
有龍女來聽法師因曰可為開一泉乎數日後
有清泉湧于座南後人以祈禱多應故名迄今
泉池澄潔灌田甚廣一方利賴之

離奇雙樹影婆娑蘇石留題尚不磨經轉法華傳海
藏池涵耨水瀉巖阿雨暘應禱農氓慰禾黍逢年樂
利多清泚漱來塵慮淨神龍潛處沛恩波



五言漢游舫

青溪游舫

吳鑿東渠名曰青溪其流九曲連綿數十里通
潮溝以洩玄武湖水發源鍾山接于秦淮由南
而西經武定鎮淮諸橋出三山水門外南朝鼎
族多居其上今夾岸亭館繁盛夏秋吳船載酒
歌吹喧呼六朝流風依然無改

誰鑿溪流九曲分緣溪甲第舊連雲吳船簫鼓喧中
夜紫閣簷櫳燦夕曛烟水五湖徒浩渺香風十里自
氤氳百壺送酒油囊載鷗鷺無驚泛作羣



虎洞幽尋

在府東南四十里出高橋門外行田野間延袤
而入因離城僻遠游踪罕至樵垌牧墅大有古
朴風洞不甚窅奧而羣山參戟環立雲光吞吐
頃刻異狀儘可延佇近洞有宮氏泉相傳為漢
時故物洞外有蒼竹樹參鬱可憇


蒙茸草樹洞雲層嘯虎何年蹲更騰勢據負嵎威自
逞會逢探穴巧堪乘深林每畏雄風振列嶽還從
足登欲覓宮泉供渴飲溪橋轉處未逢僧



星岡飲興

在府西北九里一名落星墩又名落星石梁王
僧辨連營立柵以拒侯景于此地李太白嘗遊
焉以紫綺裘換酒村舍又城西三十里西南五
十里有山皆名落星想皆以星殞其處乃岡之
形勢為最近且勝云


平岡淺草淨無塵招颭青帘野店春鮮石離離垂碧
漢花枝嫋嫋媚滄津尋芳競勸提壺鳥乘興難
往人想是酒星從此落千秋常照綺裘新



莫愁曠覽


在三山門外之右偏去城甚近昔有妓盧莫愁
家此故以名湖據湖濱一望則鍾阜石城橫亘
于前遙與江外諸峯相映帶山色湖光蕩漾几
席間最為空曠平遠中山王孫置樓近水構亭
湖心屢勤脩葺游者忘倦

漫將西子比西湖盧女聲稱擅帝都勝境因人傳往
事澄波生色寫山圖虛亭傑閣堪舒抱白月青鐘可
共娛聽取莫愁愁盡遣直須漁艇隱菰蒲



報恩燈塔

在聚寶門外吳赤烏間有康居國異僧來長干
里結茅行道能致如來舍利孫權為建塔奉焉
寺名建初實江南塔寺之始梁名長干寺宋改
天禧至永樂時鼎新恢拓之賜以今名其塔最
高金碧琉璃燈光炫耀中夜燭天極稱壯觀
阿育威光遍九垓浮圖惟此獨崔嵬千燈接焰
國七級凌空傍斗台耀日法輪宏聖代含靈舍
如來中宵映徹中天月好共瞻依瑞相開



天界經魚

寺本晉建元文宗改名龍翔在會同橋北洪武
中徙建聚寶門外額題善世法門與碧峯能仁
兩寺鼎列內有三十六庵延致海內高僧各主
一庵地既廣濶深邃僧律精嚴禪誦之聲交發
互應迄今無改于舊云

選勝弘施布地金高僧雲集啓叢林香花繚繞莊嚴
接竹樹縈紆院宇深具梵同傳空色界鯨魚
潮音借將半榻眠雲穩靈鷲何須費遠尋



天界佛

祖堂佛跡

在牛首山之西本懶融禪師脩道之所唐貞觀
中傳四祖法建寺為一代祖師故山與寺皆名
祖堂常居于石室中其座石隱隱有佛字方三
尺餘山僻寺荒游人至者凜不可留然幽寂實
遠過于牛首之弘覺云

山徑深尋綠雨稠神僧禪窟事真脩猶傳靈跡通
石為掃塵緣退急流馴鴿棲簷臺殿古白牛眠
泉幽泐踪偶到機堪息欲學無生法可求

花養星槎



花巖星槎

在牛首山之東南懶融禪定巖間雪中開二奇
花且有百鳥獻花之異故以名巖巖外有留雲
亭芙蓉閣及大觀堂息息所皆依壁結構登頓
為勞惟坐小星槎回盼牛首塔殿林巒宛如圖
畫空濶處平時高原陰晴皆可縱目

花鍾泚秀鳥含靈默鼓天機不暫停各照禪心資
化同依定境顯儀形巖巒生色浮嵐靄亭閣標
紫青高臨不似龍醮客夢好從法忍問胥庭



冶麓幽棲


在府治西二里本吳王鑄劍之地故名冶城晉謝安與王羲之同訪冶城悠然遐想有超世之志卞忠貞墓在其右麓今建朝天宮道院緣山之高下最稱盛覽每月明風靜笙鶴之聲達于

九衢云

鑄成龍劍啓仙都日奏雲璈御六銖雉堞消磨芸瑤草瑤壇幽寂煖丹鑪韶光剡彩遊塵界抱一含元玉壺東麓飛霞通帝座倘分沆瀣滌凡夫



天啟癸亥歲寫
金陵四十景下
秦淮草舍
秣陵陸壽伯



長橋艷賞

在府治東南二里武定文德二橋之間國初置
伎館以娛商旅橋踞城隅鷺峯寺側積水之上
勝時游樂歡宴達旦不休今歌臺舞榭強半鞠
為茂草而橋則屢經脩治漸就狹小惟故跡猶
傳足徵佳麗之一端云尔

宴遊端屬五陵豪選妓徵歌肯憚勞佳麗况逢名勝
更許列仙曹紅橋翠柳風初暖玉管金龜月
示事偏饒徵盛世花香深處醉葡萄

